



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXVIII. Die Avgvsti.

urn:nbn:de:hbz:466:1-9625

IOANNES

NAVES. COAD.

Hispanus
Gerunda
17. Augusti.
1603. aetat.
50. Soc. 11.

Humil.

DE hoc in heroibus & victimis
charitatis hunc in mundum scri-
psi: Ioannes Naues è 50. vitæ annis
vnum ac viginti in Societate mervit;
ad omnia Coadiutorum officia & ar-
tes ac virtutes insigniter vt idoneus,
ita promptus, eaque insigni cum qua-
dam eminentia executus, seu ad fab-
ricam seu ad currus aut colendam
terram foris, siue ad sacristiæ, valetu-
dinarij, culinæ aut quæuis alia munia
vocaretur. Magnum superiorum leua-
mentum fuit, cum in obsidionis æru-
mnis Tarraconenses socios in sudore
vultus sui (vt erat ad horti quoque
cultionem egregius) sustentauit, om-
nibus officiis erga omnes amanter
prolixus. Coadiutorum norma & cla-
rissimum documentum dicebatur. Nun-
quam retro, quod aiunt, humore (cui
obnoxia sunt nonnunquam ingenia
nonnullorum) afflatus, semper sibi præ-
sens ac sui potens erat quocumque
loco vel tempore illius opera quære-
retur: adeo non erat opus dextre mol-
liora tempora obseruare, quibus illi
esset aliquid imponendum. Planè om-
nium horarum vir erat, ad omne obe-
dientiæ & charitatis ingenium factus
ac faciens omnia. Domi noxium vi-
rus duos prostrauerat. His Ioannes

Obed.

Charitas.

tam effusè, amanter hilariterque ad-
fuit assiduus, vt fræno eguerit, ne se
perderet suo illo tam dulci velut a-
stro percitus & abreptus. Noctes die-
bus continenter iungens vigiles ac la-
boriosas, dicebat se quiescere non pol-
se vsque dum chara illa capita suis ip-
se manibus conderet. Agrorum alter
ca, bonem pestiferum in collo, alter
in tibia habuit. Vtrumque vlcus eo-
dem loco ab vtroque traxit Ioannis
collum ac tibia, oculorum altero la-
chrymatione continuâ gurtis perpe-
tuis manante. Cum patres illo suo pe-
riculo afflictos videret, ad eas S.P.N.
Ignatij, quas ipse in obscuro suo con-
clau habebat reliquias supplex ægi-
dit, & vt S.P. filiorum misereretur fla-
granter eadem repetens sibi videre vi-
sus est splendorem instar hominis è
reliquiis erumpere, seque illo circum-
dari, totumque intimè perfundi læti-
tiâ solidâ, tenerâ, admirandâ. Tum
dolor omnis, & colli vlcus abstulit, &
somnia rediit, solo tibiæ vlcere in al-
terum diem relicto indice beneficij
diuinitus accepti: quod tamen etiam
euauit: & Ioannes ex integro incolu-
mis hortum percoluit, donec læti-
tiarum plenus iterum se peste æstuate
aduertit & Sacramentis procuratus
27. Augusti, horâ noctis 10. in lucem
æternam excessit, cum ante 15 diem
eadem hora se lumine illo è S.P. Igna-
tij lipsanis erumpente vestitum vidis-
set, vt dixi.

S.P. Ignati.

XXVIII. DIE AVGVSTI.

P. MICHAEL

DE VRREA.

28. Augusti.
Hispanus in
Peru 1597.
ætat. 42.

IN Peruium anno 1585. traiecit: duo
gentis idiomata confestim perdidit.

cit. Rectoris officium cum lachrymis
deprecatus, paupertatem impensè a-
mans, angulum pro cubiculo habuit
quod illum vix caperet, atque in quo,
ob loci humilitatem, erectus stare non
posset. Reliquarum virtutum diues
cum

Paupertas.

cum esset, super alias ditior fuit seuerâ in se asperitate ac humilitate. Cibus illi herbarum, & radices, lectus in sarmentis, quotidiana, & cruenta flagellatio; nulla humana solaria in ærumnis. Anno 1596. ad Ciuncas primus è Societate destinatus, quotidie se cruciabat, aliisque corpus macerandi modis animum excolebat, parabatque arduæ illi expeditioni. Ciuncarum fines per asperissima montium, fluminum, siluarumque ingressus, *Te Deum laudamus* Deo dixit; vnicus in illa barbarie; quæ tamen est vibani vtcumque genij, & capacis ac non inuiti ad meliora, sed æquo retinentioris veterum superstitionum, quas exuere raturum atque perdifficile est. Auis, idolum versicoloribus pennis varium, illis erat in pretio atque cultu. Illud quia deiecit Michaël, displicuit etiam illi Dynastæ à quo præcipue amabatur. Eam ob causam Caciquij ligneis acinacibus illum, alter profundè in capite, alter in facie, vulnerauit: vnde mors breui consecuta; illo interea pro iis orante à quibus fuerat sic concisus. Affirmare indigena, motam postea terram fatiscentem in rimas, euerfis nonnullis prædiis; & visa per sæpè lumina quæ nocte intempestâ tumulo iucubabant, fuso plurimo circumquaque splendore; atque nebulâ nonnquam inde surgente, ac se per eam regionem expandente. Eum qui eius ossa exarare parabat, nebula inde repente prorumpens absterruit. Sicarij comestantes plerique à leonibus, atque tigridibus è lacu erumpentibus discerpti: superstites alij, qui fugâ sibi consuluerant, odio ab aliis habiti, lapidibus appetiti, deinde in vico suo leprâ pestilente absumpti sunt, adeò vt nemo iam eorum qui necis autores fuerant superesset. Corpus tandem honorifice translatum est.

Auis idoli.

Fides.

Mort.

P. LAURENTIUS PRATANVS.

Vir fuit candidi & ad sacros labores nati ingenij. Præclarum sui specimen dedit in castris Catholicis: in quibus contractâ lue Ruremundam deportatus extremû diem vixit. Præfecta Virginum nosocomio istuc seruiuentium, quæ Societatem vix modicè, Patrem Pratanum planè non noverat, per quietem vidit duos Nosocomium ingressos eorumque alterum pallidum sero roseo coronatum, vterque Sacrarium ingressus est, at alter inde amplius visus non est. Postridiè (cum istuc necdum esset Collegium) Patrem Pratanum cum alio quodam de Societate istuc adductum vt vidit, hunc eum esse agnouit, quem sero viderat coronatum. Ibi obiit diem Laurentius.

Belga Ruremondæ.
28 Augusti.
1599 ætat.
39, Soc. 17.

Charitas.

Mort.

P. NICOLAUS PLACEVS.

Modesto semper & honorum fugitante ingenio vir. Patientiam in morbo tantâ ostendit quantâ maiorem se in nemine conspexisse medicus affirmavit. Paucis ante mortem diebus dixit se à S. Augustino per quietem visitatum. Et verò illius die requieuit in pace. Post mortem Rhodoni bus matrona genere ac virtute inclitya dixit sibi per quietem vocem auditam quâ ille adscriptus cælitibus dicebatur. Iterum post sacram synaxim sumptam, eadem illum videre sibi visa est in frequenti choro cælitum Deo laudes pangentium. Et aliàs non raro hæc eadem P. Nicolai Rhodoni bus ad concionem olim dicentis capite columbam vidit ad simulacrum Crucifixi

Gallus Rhotomagi. 28. Aug. 1617. Patient. S. August.

Oratio

Sancti.

Mort.

Concio.

Concio.

Colomba.
Crucifixum.

Crucifixi prouolantem. Vita verò matronæ eiusmodi fuit, vt visis fidem faciat indubitatam.

P. IACOBVS
ANTONIUS GIANNIUS.

Italus Xa-
mabatæ 28.
Aug. 1633.
ætat. 56.
Soc. 37.

Illibatæ virginitatis ad mortem vsque fidelis custos præclara illius documenta præbuit contra eos à quibus tentabatur. Literis è Iaponia lectis mortis cruentæ pro fide oppetendæ desiderio accensus, vt eò eà de causâ proficisci posset, Societatem petiit: atque illà impetratâ breuî Goam, & Macaû, denique in Iaponiam appulsus est. Literæ illius plenæ erant desiderio, vt in mille frustra discerperetur, aiebat autem; se martyrium non desiderio tantum, sed spe quoque complecti. Ab apparitoribus, post felices istic ab anno 1609. labores, & cauernas clam habitatas, tentus, vinctus, circumductus, præcone præeunte, probrorum plenus, at lætus, 25. Augusti foueæ suspendio addictus, è pedibus pependit vsque dum 28. Augusti optato agone cursum consummauit.

P. CHRISTIANVS
MAIOR.

Germanus
Trenitis.
28 August.
1634. ætat.
50 Soc. 32.
Castitas.
Mortific.

Virginitati suæ tuendæ semperque seruatæ ante Societatem iam inde à teneris initam ter se quothebdomadis ad vsque sanguinem flagellabat. Duobus quotidie, tribus per dies festos sacris intererat; quicquid contra obnixè niterentur humani respectus. Tyrones, & Patres tertiæ probationis per annos vndecim erudiuit, exemplo vim verbis addente. Inconsulto Deo nihil omninò aggrediebatur. Diuinum officium nixus humi genibus & ad syllabas singulas attentus dicebat. Item

psalmos à pœnitentiâ gradibusque dictos & B.V. coronam Quotidie manè ante omnia, vesperi post omnia, interdium quinquies visebat SS. Sacramentum, licet parum commodum illuc esset iter. Deiparam omni colebat industriâ, colique volebat. Tota illi corporis compositio è legum modestiâ disciplinâ profecta. Opem eius ægri quoque sensere. scripsit libellos eximie pietatis plenos.

Euchar.

P. LAURENTIUS
BARTILIUS.

Fuit hic vir inter prima documenta religiosæ solidæque pietatis, ac rectionis. Collegia & Prouinciam gubernauit: neque tamè cubiculum suum ab vilo administro componi curariue voluit; *humilia*, inquit, *officia nunquam sunt deponenda*. Secundâ post dimidiam noctem horâ visus est domû obire & præ singulorum cubiculorum foribus genua humi ponere ac pro sociis impensè orare. Gubernabat miti quadam demissione sed citra respectus humanos. Opinio fuit Angelum ad spectabili specie illi adesse eumque ad surgendum excitare. Si consuleretur, Deum consulebat, prius quàm responderet. Inter orandum nescioquid in illo emicabat, quo totis viribus id quod agebat ab eo agi indicabatur. Selecta quædam è scripturâ sæpè depromebat ac vibrabat interdium, quæ ille *faculas* appellabat. SSS. Trinitatem piis excogitatis industriis colebat. Ad B. V. Lauretanam pedes abiit è Polonia peregrinus, in paupertate, oratione ac perpetuâ in seipsum seueritate. Mysteria vitæ B.V. in dies hebdomadæ partitè distribuerat, vt hebdomada tota illi esset vita B. V. meditatè recognita. Taceo corollas, officia, Litanias, pensum Sabbatum. Per iter cum in vigi-

Polonus
Smolensci.
28 August.
1635. ætat.
66. Soc. 50.

Humil.

Noctis.
Charitas.

Oratio.

B.V.

R R

liâ

*Mortific.**Mort.**Sacrum.*

liâ festi B.V. in diuersorio verberare se non posset, in syluam secessit, & officio suo constanter perfunctus est. De Societate Fratrum non nemo Smolensci occasione vsus ad fornicem, vbi mortui requiescunt descendit, & è capillis P. Laurentij aliquid ad venerationem decerpit, sed nocte proxima P. Laurentius per quietem illi adfuit, & vultu seuro reprehensum iussit reponere quod accepisset. Neglexit id, phantasma somniantis rarus Coadiutor at ecce tibi nocte alterâ seueriorè P. Laurentium iterum arguentem, & reponi accepta vrgentem, simulque addentem: nescis, mi frater, quantis ego mortificationibus à Domino obtinuerim, ne vlla mei particula in veneratione esset. Recepit se facturū hic: at postea capillos non reperit. Vilnæ in S. Ioannis Bapt. basilica post sacrum gratiis agendis coram Crucifixo intentus, in altum sublatus conspectus est. Matthiæ Sarbieuio, suo Nouitio, Romanum iter; aliàs, quatuor Nesuisiensibus sociis mortem prædixit, viso antea curru per sublime in Collegium quadrigis inuecto. Et prædictio euentum sortita est. Eius vitam, & pietatis exercitationes quasdam breui libello complexus est P. Albertus Koialowicz, qui consuli potest.

SEBASTIANVS

MENZEL. COAD.

Germanus
Brunæ 18.
Aug 1648.
ætat. 36.
306 15.

M Aluit pharmaceuticem apud ægros nostros exercere Coadiu-

tor, quàm ob eam quam nactus fuerat literaturæ peritiam scholasticorum albo adscribi, raro modestiæ documento. Nequid vanitatis admitteret, latine loqui, (quantumuis eam linguam probè calleret) nunquam voluit, nisi grauis necessitas id extorqueret. Nullus vnquam æger sub eius curâ inopinatò decessit, quin extremis Sacramentorum præsiidiis muniretur, illo tempestiuè id procurante. Tranquillè ferebat si corriperetur, tametsi esset ingenij acrioris. quæ certè germani Societatis filij nota in illo laudabiliter eluxit. De gloriosa illius morte ita scripsi inter heroës & victimas charitatis. Cum pestifero languore domi prostratum quemdam periclitari videret Sebastianus, perennaturâ æternæ vitæ diuturnitate ad huius vitæ despectionem incitatus animatus, quâ sponte suâ, quâ obedientiæ inuitatu perlibenter, se in capitis periculum dedit, perstititque fidelis Fratri amicus & seruus, vsque dum alterum illum pestilens virus extingueret. Mox & ipse eodem discrimine inuolutus, post suprema Sacramentorum adiumenta, instauratis feruido animo religiosi votis, inter pulchra oscula Crucifixi, & repetita IESV ac MARIÆ nomina eadem quâ prædixerat horâ, plenus gaudij animam pro Fratre posuit: cum diceret se illâ cogitatione immortaliter exhilarari, quoddam vitam obedienter vltroque gratis venalem charitati, hoc extremi amoris officio breuiasset.

*Humil.**Charita.**Humil.**Charita.**Obd.**Mort.*